

AUGLÝSING

um staðfestingu reglna Þingvallanefndar um gestagjöld innan þjóðgarðsins á Þingvöllum fyrir veitta þjónustu og dvöl þar.

Með vísan til 1. mgr. 7. gr. laga nr. 47/2004, um þjóðgarðinn á Þingvöllum, sbr. e-lið 6. gr. reglugerðar nr. 848/2005, hefur umhverfis- og auðlindaráðherra staðfest reglur Þingvallanefndar um gestagjöld innan þjóðgarðsins á Þingvöllum fyrir veitta þjónustu og dvöl þar sem birtar eru sem fylgiskjal með auglýsingu þessari.

Auglýsingin öðlast gildi 1. júlí 2018. Frá sama tíma falla úr gildi auglýsing nr. 184/2013 um staðfestingu reglna Þingvallanefndar um gestagjöld vegna köfunar og fyrir yfirborðsköfun í Silfru innan þjóðgarðsins á Þingvöllum og auglýsing nr. 620/2015 um staðfestingu reglna Þingvallanefndar um gestagjöld vegna afmarkaðra bílastæða innan þjóðgarðsins á Þingvöllum.

Umhverfis- og auðlindaráðuneytinu, 29. júní 2018.

F. h. r.

Sigríður Auður Arnardóttir.

Stefán Guðmundsson.

Fylgiskjal.

REGLUR

um gestagjöld innan þjóðgarðsins á Þingvöllum fyrir veitta þjónustu og dvöl þar.

1. gr.

Gjöld fyrir bílastæði.

Greiða skal fyrir að leggja ökutækjum í afmörkuð gjaldskyld bílastæði innan þjóðgarðsins á Þingvöllum.

Með ökutæki er átt við tæki á hjólum, beltum, völtum, meiðum eða öðru, sem ætlað er til aksturs á landi og eigi rennur á spori þ.m.t. ökutæki búið aflvél til að knýja það áfram. Vísast til 2. gr. umferðarlaga nr. 50/1987.

Með bílastæðagjaldi er átt við gestagjald/þjónustugjald til að mæta kostnaði og eftirliti við gjaldstæði.

Með gjaldstæði er átt við tiltekin afmörkuð bílastæði innan þjóðgarðsins á Þingvöllum þar sem ber að greiða bílastæðagjald.

Fyrir hvert ökutæki sem er lagt í gjaldstæði innan þjóðgarðsins á Þingvöllum ber að greiða:

- a) Einkabifreiðar, kr. 750.
- b) Hópfreiðabílar/jeppar fyrir allt að 8 farþega, kr. 1.000.
- c) Hópfreiðabílar fyrir 19 farþega eða færri, kr. 1.800.
- d) Hópfreiðabílar fyrir 20 farþega eða fleiri, kr. 3.500.

Óheimilt er að láta ökutæki standa lengur en í 24 klukkustundir samfellt í gjaldstæði.

2. gr.

Gjöld fyrir köfun, yfirborðsköfun og friköfun.

Hverjum þeim einstaklingi sem hyggst kafa, yfirborðskafa eða frikafa í Silfru ber að greiða kr. 1.500 fyrir hverja einstaka köfun.

3. gr.

Gjöld fyrir sýningu og afnot af fyrirlestrarsal í gestastofu.

Aðgangseyrir fyrir sýningu í gestastofu skal vera kr. 2.000 fyrir 18 ára og eldri. Veittur er 50% afsláttur fyrir námsmenn og eldri borgara (67 ára og eldri).

Aðgangseyrir fyrir hópa (10 eða fleiri) er kr. 1.800 á mann. Leiðsögn fyrir hópa (10 eða fleiri) er kr. 2.000 á mann.

Ókeypiss er fyrir börn (17 ára og yngri) og öryrkja.

Gjald fyrir afnot af fyrirlestrarsal í gestastofu skal vera:

- a) Virkur dagur/heill dagur (8 klst.), kr. 56.000.
- b) Virkur dagur/hálfur dagur (1-4 klst.), kr. 38.000.
- c) Helgi/heill dagur (8 klst.), kr. 62.000.
- d) Helgi/hálfur dagur (1-4 klst.), kr. 44.000.
- e) Aukagjald á klst. eftir kl. 17, kr. 15.000.

Heimilt er að fella niður gjald fyrir afnot af fyrirlestrarsal vegna notkunar fyrir viðburði sem tengjast sögu og náttúru Þingvalla.

4. gr.

Gjöld fyrir tjaldsvæði.

Gjald fyrir tjaldsvæði skal vera:

- a) Fullorðnir (18-66 ára) kr. 1.300 fyrir hverja nótt auk kr. 300 gistináttgjalds á tjald/felli-hýsi/hjólhýsi/tjaldvagn.
- b) Eldri borgarar (67 ára og eldri) og örorkulífeyrisþegar kr. 650 fyrir hverja nótt auk kr. 300 gistináttgjalds á tjald/fellihýsi/hjólhýsi/tjaldvagn.
- c) Rafmagn (eingöngu Nyrðri-Leirar) kr. 900 fyrir hverja nótt.

Ókeypiss er fyrir börn (17 ára og yngri). Ef greitt er fyrir þrjár nætur, fæst sú fjórða frí og síðan önnur hver upp frá því. Hópar (10 eða fleiri) fá 15% afslátt sé gert upp sameiginlega.

5. gr.

Gjöld fyrir stangveiði.

Dagsveiðileyfi skal vera kr. 2.000 á mann. Ókeypiss er fyrir börn í fylgd með fullorðnum sem hefur greitt fyrir eitt leyfi.

Eldri borgarar (67 ára og eldri) og öryrkjar fá veiðileyfi fyrir sumarið endurgjaldslaust í þjónustumiðstöð.

6. gr.

Fyrirkomulag greiðslu o.fl.

Gjöld ber að inna af hendi á þeim stað og með þeim hætti sem Þingvallanefnd ákveður á hverjum tíma. Fyrirkomulag greiðslu skal tilgreint með skýrum hætti við gjaldstæði.

Ef ökutæki, þ.m.t. tengitæki og eftirvagn, hefur verið skilið eftir í gjaldstæði lengur en 24 klukkustundir samfelt án samþykkis þjóðgarðsvarðar er þjóðgarðsverði heimilt að láta fjarlægja viðkomandi ökutæki úr stæðinu á kostnað eiganda eða umráðamanns.

7. gr.

Viðurlög.

Brot á reglum þessum varða sektum og fangelsi ef sakir eru miklar, sbr. 9. gr. laga nr. 47/2004 um þjóðgarðinn á Þingvöllum.

8. gr.

Gildistaka o.fl.

Reglur þessar, sem samdar eru og samþykktar af Þingvallanefnd, eru hér með staðfestar samkvæmt 1. mgr. 7. gr. laga nr. 47/2004 um þjóðgarðinn á Þingvöllum, sbr. e. lið 6. gr. reglugerðar nr. 848/2005 um þjóðgarðinn á Þingvöllum, verndun hans og meðferð. Reglurnar öðlast gildi 1. júlí 2018.

Ákvæði til bráðabirgða.

Þrátt fyrir 2. gr. skal gjald fyrir köfun, yfirborðsköfun eða fríköfun í Silfru vera kr. 1.000 til og með 31. ágúst 2018.

B-deild – Útgáfud.: 29. júní 2018

Leiðrétt skjal: 2. júlí 2018